


國史

十

庫文閣内			
函架	一六	五三八九	和書類
冊架	三		

内閣文庫		
番號	和	15289
冊數	13	(10)
函號	150	22



國史

五十八之六十一

四文

八六六

Faint vertical text on the left page, likely bleed-through from the reverse side. The text is mostly illegible due to fading and paper texture.

明治十三年購求

本多大久保傳第三十三

雜史卷五十一馬文庫

本多正信岡崎鷹師也身曰正重兄弟並好謀而勇

親鸞亂叛從酒井忠尚參公後盡救將吏作亂者復

其田宅所以正信正重始首扇動衆逐出參多圍城

主松永久秀見正信大賞之曰參人威矜勇不知天



下事唯子不剛不柔所言非凡所知也唯公復忠用

正信駿府令板倉勝重曰必欲用之臣知其所居請

為公召之於是兄弟復見參公于坂參公長驅東歸鐘子多羅尼感信使上林氏兵可百餘人既正重去事織田信忠

前田利家蒲生氏鄉所如陷陣潰圍著百諸族久之

秀吉欲見正信不至自參諸增田長盛不留与



詰至夜將出燭面舍人執事者勞之明日去歸參竟
不止見秀吉曰大奇之曰果如所聞小由原平封
廳南常居中画筭相得日悅益食二万石為佐渡守
先時江戸挾隘於是擴廓百度新立正信所草定特
多秀吉薨三成等害公之為政概其黨欲作難正信
適獻討如伏見細川忠興曰三成黨謀決澱水灌公
之弟請如大津避其害大津侯故事公乃問正信
計策正信曰不可夫忠興知避害而不知避害之為
害大抵物之勢一誣不可復伸諸侯觀我避三成大
津必去我而適三成今之計莫若陽為不知陰為之

備三成之黨雖衆無適發難者既諸侯相聚欲誅三
成三成大窘計非公無劑諸侯踵門自歸于公咸曰
必殺之毋貽後害正信曰是夫也苦心焦膽欲加禍
于我因諸侯之同心歸我未能縱其毒今因其自歸
而誅之固易耳然未有罪惡顯于天下以私怨誅之
益疑衆心且諸侯所以爭事公者不過畏三成之讒
已抑已貶已傷已害已也公若誅三成亦各為所欲
為不月久俛首事人公願抑其權而從其欲釋其死
而遺其患諸侯畏復出報前之怨所重常在公曰
善免三成奉行遣沃山見淺野長政上表景勝于公

循前好會長東正家增田長盛言加戾將加害于公
正信曰頃者多流言迷惑莫知所底加戾恐不如人
言假令若有疾首蹙頞于我而欲共殫之心且掩覆
如無知之而示天下以寬無不容諸戾与公益堅加
戾獨何能為公撫掌大笑曰子者非夫何其言之与
我相適止不伐加長盛等謀不行而加戾雙毋成平
至三成作乱言公遣歸諸戾并伊直政非之公兩用
其策引兵南使世子城守都宮公方慮真田昌幸乱
信別欲使世子急西而畏會津兵南下問計正信
時方歸江戸調軍食使秋元長朝會津因私告所

善會津相兼續以情而托少子政重于兼續曰子不
聞我公之言乎諸戾雖不出軍佐我無擾我後候我
出者雖誅三成不加兵其國三成不敵我公嬰兒能
知之敗在旬月之間惟君熟計策將安出兼續故怨
山形背約欲伐之不樂南出見長朝大喜曰走不死
期不窺關東公乃遣正信守都宮奉世子伐上田既
賜書世子會軍于尾濃之間世子引兵西會誅三成
天下皆歸于德川氏赦強寇若削若徙及封列戾宗
室功臣咸与正信定之又与内藤正成掌關東租賦
久之天壽主適阪正信語傳姆曰備膝妾以適者重

國之無嗣也夫婦妬媚而亂室家自古無不有也上方憂豐公無兄弟身主勿得專內之嗣如有所悅雖身進御無得阻隔主不從子之言相聞無隱于上秀賴以是子主不相中而多內寵神祖老于駿留正信及大久保忠隣輔德祖為知政事如故以正信子上野介正純為知政事居駿天下之事咸決父子之手雖足利氏時賴之父父子之感不能過也然其為人所愛畏有衰日有日之分上嘗怒郎中伏不能起正信見上盛怒為上責數如無容徐數父兄之旁曰而為人之子不能負荷上必不寬汝上聞之釋然罷正信在

側雖有過失無見屬吏常深畏盛滿之禍謹慎不以貴驕人召增封邑固辭不受臣老不任軍行邑多無所用上曰我亦非使君以此養士也欲得甘美養子之年曰列侯宗室以臣年老為上所重饋餉臣日無虛日何養之不足它日袖壺置諸上前上莞爾曰我不如也神祖賞言事者以上書觀正信曰如此何賞神祖曰我非曰所言善也曰言事善也欲以勸後正信出諸正純曰問誰正信作色曰汝何問其人而憂其以才地自任正純竟以是敗德祖初正信上書陳治要七條蓋時宿儒藤原甫所草也德祖善

之是時諸侯朝見留江都驕樂無度德祖欲禁之正
信曰不可天下雖服豈臣氏仍熾未可謂歸于一方
今之時要在懷諸侯不遠千里爭趨則下者非
專畏威懷德彼各僻處無音樂夫眇往治之好日
思樂朝江都縱所欲為也今若束之以法節之以制
彼將苦千里之途倦時月之久快求便于事非國
家之福也慶長五年福島正則特功殺伊奈今成為
藝伎虐下益甚神祖曰諸侯勸之天下復亂欲下吏
驗治正信曰不可今諸侯大抵率一體之人也見正
則就囚而不知其罪惡日加必將恟然自危曰非

它夫以新造之天下臨自危之諸侯期必不安焉正
則悛何望不悛而後誅之諸侯明知其不可竟雖并
歲之後何患之有且善惡人情無不有也諸侯
孰復勸之正則竟不悛元和初以正信言廢正則江
都令內藤清成削三子清成青山忠成能吏也神祖獵見三子歸
網于野三子大怒曰上厭我亟擾民乎必欲寘之死德祖
恐不可言因後宮阿茶等請之不解問諸正信
曰太上多子而上獨得位者以承順無悖也今太上
老不可惜二尹而傷其意以不悖得之以得悖之非
孝也臣請為上適見見神祖惛然泣下伏請臣願得

養老駿府唯上活臣神祖驚問其故曰頃者二尹得罪野禽上必欲誅之臣以為能吏也罪不至死爭之莫能得二吏必死矣臣惟上為政異于前臣老失事一旦有過恐復比二吏唯太上活臣神祖即使之赦二子父子雖天性為相旆縫此類也十四年酒井忠世以家世青山成重以外戚為知政事十七年成瀨正成安藤直次中山信吉以剛強猜辨為駿知政事領各公子傳其明年青山成重坐大久保長安事免十九年伐改德祖恐後駕便行正信設奇備令軍曰諸老将奉長孫居奇衆十倍于改請軍無憂妻子督

本多忠純松平忠昌之花宗茂之花直次前田利孝日根野吉明岡部直勝藤田信吉菅谷範貞秋元長朝秋元泰朝那須由利津金芦田兵居中軍後明年父子復從軍正信季子忠純松平忠昌之花宗茂之花直次前田利孝日根野吉明秋元泰朝菅谷範貞由利津金芦田兵属于正信忠純戰斬二百十七級封搜本侯正信緩帶蒲輿從上後後軍忽大擾正信令軍唯進勿顧後勝于前則後自定改軍果敗是年歸致仕正信質撲不飾對上如參時交臂膝不自疑獵東出晝夜侍坐不去列侯功臣人自以為得上

之意莫已若也然所深子謀議者外而高虎內而正
信二人身二祖之密語只父子在側雖執政不敢與
孝臨死語正純曰我者參鄙人也上不知其不肖致
位于群臣之右身及二子封侯一子相大國宗族莫
不霑其澤死生無能報也我見前代事君者北條義
時因寵茂君石田三成責友固恩平生每念之至如
身負其責若聞我言勿驕人勿凌人無辱人下一等
接人則愛于人事君則獲于君若慎諸又我每增封
辭不受上常恨之我死必封汝必勿受若從我言
子孫永受其福初參逐正信忠隣又忠世衣食其妻

子瞻之見上稱其材可用迨忠隣得罪人成曰正信
陷焉神祖遺令盡駿府之藏子三藩正純藏諸公野
百餘万以其餘分于使上不知之因如江都為知政
事子高虎護作光陵至父卒保食其邑封宇都宮侯

自父死之後益驕御下不以法宇都宮有官騎七十
卒二百遣使促租騎卒咸曰臣等以軍事隸公錢穀
非職正純怒分部捕之同日斬之宇都宮上如光陵
之道也正純起館城中複壁釣天井布蒺藜溝中備
非常恐工匠告人曲折留中不出其妻子以正純誅
之相對而泣官衛將堀利重前為正純見告失官居

而古列不相得
後騎負成推命
下書具家曰
上不忍滅其家
家幸等喻使
自吾計及
氏之幸也
百書曰
如其言如何
以巨殺其君論
是史國家之大
休速遣安撫
不過傷十餘人
平生養士何為
同列終下其書
殺自滅其
家正統亦素

宇都宮使人告奧平忠昌母正純起館不出工匠恐
有邪謀上還自光陵至宇都宮從酒井忠世等五人
自間道夜去松平定綱乘上之輿蔽而行正純不能
自明移病數月稍起視事意忽不樂會山形國除
上遣正純子永井直勝發仙臺會津米澤秋田那須
兵收山形使庄内族適守山形正純將歸鞍使吏毀
東城宅遣肥後族取宇都宮伊丹康勝高木家政為
使若因正純由利除其邑十八万石子之五万石正
純不受減之至千石乃受歲餘使徙諸大澤正純
子出羽守正勝以乙卯功食万石同父居大澤居十

年所父子咸死尾相正成固子正純交白一畝其孫
僅三歲養之長為駿府副留守名正共初神祖以世
子不及関原之戰欲易之正純請誅正信著世子無
過世子聞之遺正純書曰公之德唯死使忘安藤直
次日世子不以曖昧之語加顯赫之賞不憚而敗在
其得位之日也誣君不忠陷父不孝天地之際無所
由立初會津相直江兼續無子男上因正信子政重
居會津名為其子對馬守子所妻兼續女相失歸家
久之為加相改安房守食五万石榎本族忠純養其
叔子政頭為後政頭有所愛舍人与妾為之妻寬永

未將朝江都至栗橋諸舍人還榎本操妻來舍人以
為奪之刺殺政頭

正重事蒲生氏鄉蒙蒲生氏姓為監軍攻岩石氏鄉

吹螺正重曰螺有神特為勇士作聲氏鄉銜之有告

正重網鳥于園以為輕已發兵圍其宅會江戶使都

築秀綱過其門突圍而入正重共守氏鄉恐任傷

使者釋復其位見秀行時將失爭權因將危去如江

都上曰我久不見卿安在哉待之如初從関原大

阪軍敗亡後封相馬侯卒遺余瑞地首將正貫□□□□

實長阪重吉子也遷宮大衛將卒子正行立子大衛

將正行子正永歷官大衛將元祿初為謁名領祠曹

封万石高野僧拒命令正永及侍御史高木弁養監

察柴田康能發紀和兵捕六百入徒築紫海島憲宗

以為能遷參政徙封沼田再造孔廟以副監護作為

知政事侍從益封遷世子傳憲宗獻代以知政事造

廟楓山後二歲病免立妹之子榊原正武卒從

子正矩立為奏者徒田中卒子正珍為奏者二年領

祠曹信宗時拜知政事侍從坐郡上侯免元祿以後

侍中秉權知政事無異能者以功次具位已

大久保忠隣小田原侯忠世子也神祖為參公時伐

親鸞徒至上曲忠隣年始十歲跪起如成人公異之
曰此兒行成大器興子之宗可居我側与之共歸國
崎為人重厚寡言戰有勇圍掛川叔父忠佐突倒一
人顧忠隣曰而以為功忠隣曰不煩馳斬一人而還
戰姊川本多忠勝部忠隣擊越別將忠隣從十二騎
徑擊走之久之公知忠隣持重異他將當擊敵留忠
隣中軍掌旗鼓出望視可擊否忠隣察機縱兵莫不
勝使南越後掌戰後事既越君死還自小牧增之食邑遷駿之後二年用為奉行事
咸決于忠隣無有敗滯其所与善陰戒之日子之禮
事非不辨也然非大臣之体忠隣曰謹承教從是益

默下口如不能言者内外尤悖之夫嘗在前噎言公
止之曰忠隣將至子姑止於是稱為有文武之畏警
五列軍事又據要鎮子統樞機宗族之盛莫与為比
者天子幸聚樂拜忠隣為治部大輔秀吉知其用事
江戸子之豊臣姓小田原平忠世封小田原忠隣封
羽生父卒徙為小田原族与故所食合七万石置吏
治相州拜相摸舟名古屋之役病不能從軍老不奉
法吏恐得罪相謂曰相族何不來公乃馳驛問病且
曰已便來忠隣至号令立行無敢犯法明年罷為世
子傳如京師関白秀次得罪父秀吉事日急以為非

神祖莫能免其禍謀公在江戶質世子欲使為請夜
未明使一戒世子食至則留之忠隣曰昧且非饗之
時前公之言謂此矣載以婦人輿如伏見其日擒秀
次秀吉薨忠隣使人陽為自東方來令曰夫人病篤
以世子東歸咸曰白之忠隣曰諾已出使人白之慶
長五年從世子至宇都宮還伐上田幸村拒之伊勢
山忠隣與神原康政直出其後幸村棄砦歸于上田
遂如大阪是時三成死天下咸歸德川氏上以世子
不及關原之戰為不肖欲廢世子更視有材者立之
問諸執政大臣正信欲立秀康直政欲立忠吉正信

曰立長順也以武威也莫若結城侯忠隣曰是孰非
上之子亦孰不勇至德量無測咸不及世子且其立
久人心有繫上願勿易世子康政曰善從忠隣之言
万世無虞而正信固執前議不移上將許之忠隣前
曰不然方天下未定宜上勇武而不知用也天下已
平宜尚德量而欲爰之臣愚竊思謬矣唯上熟留意
臣之言矣莫謂臣居師傅之位而以臣黨所好而棄
臣之言也人情不能無私無不欲使各所其好封大
國居膏腴之地是何非繫天下万姓也授受大事也
臣雖愚且悖豈挾私其間上若從臣言天下幸甚上

以言功直不憚罷數日復會直政等曰前忠隣言是
唯忠吉善忠隣守正而不怨黜己不立見忠隣與共
結交於是正信忠隣同為知政事而恐忠隣言前議
世子心不自安德祖繼位為子加賀守忠常取與平
信昌女以上之妹之子就其家飲樂封之奇西族賞
賜盛厚正信愈益害之欲傾之十六年忠常病死憂
傷不能視事少間正信喪少女言國如在朝而曰不
以己私廢公事聞者稱其有忠而鄙忠隣不能自止
忠常豁達能愛人聞病危訊者相屬於路忠常卒子
忠任代為奇西族幼忠隣失勢正信黨舉不請出江

都者使訊忠常者得罪初忠隣徙封高崎辭不行詔
在神原康政傳後興相氏鑿渠自函嶺凍過小田原
注之海方治長安黨急忠隣前之大久保氏姓慙
愧多所避甲人馬場忠時居小田原怨不善待之亡
詣正信告忠隣子其塔安房族謀及正信佯驚曰是
非小事上必厚封子待神祖還駿教使遶道上變正
信曰上近不任忠隣快不事臣不必其不
及夫事兩宮得責任者孰非其姻親子其所薦也太
上獨不見高師直危足利氏乎設令太上千秋萬歲
後若一舉趾上孰与立于朝耶神祖老多忘諱然正

信之言告之德祖。且驚且疑。未之信。聞神祖怒。見不敢違。令忠隣率兵如京師。治耶蘓黨。十九年正月。京兆尹執忠隣。從彥根忠隣前嫁石川康通女于山口重政。才多康重女子堀利重。不以告。於是黜重政。利重責忠隣。以身居相位。負天下之約。從諸彥根。徙叔子右京亮教隆川。越季子主膳正幸信津。輕塔安房。度倉石孫忠任。以外親次子忠總。以後石川氏不坐忠隣。客象戲外間。謹言執知政事。左右執兵將拒忠隣。徐召家丞東弓捨送京兆府。畢戲避客朝服待收者。井伊直孝代兄為彥根。度將為白其寃。泣曰。謂臣無罪。揚上之不明于天下矣。臣不願止。使莫言。聞神祖厭代。刺髮曰。度始余至此。有此志。所以至今者。嫌于道刑也。且臣薦人無私。不漏內事。不為可隱之行。雖不奉佞。足為佛也。蓋其意非樂佞。示無復出之意也。是年正信卒。數年堀利重告正純。及徙由利子孫竟不興。於是上召忠隣。不出。寬永五年卒。召還二子。教隆幸信。咸仕至大衛將。前是召見忠任。為加賀守。九年封加納。度十六年徙封赤石。慶安元年致祭。贈納言。明年徙唐津。毀名古屋。以其材增唐津。嚴宗時。為紫紫探題。從四位下。忠任好學。篤于行將。

死謂所子教隆子忠朝曰自常善公九世雖臨死亡
無貳于國若亦以此傳之子孫使避夫人曰男子不
死于婦人之手忠朝少侍嚴宗東宮遷親衛將襲唐
津族納父所受之地為筑紫探題遷知政事改封佐
倉嚴宗獻代典葬後起新廟其秋為侍從以子忠增
為奏者封万石貞享三年自佐倉徙小田原其地忠
世所封私請之上遊其弟益与万石為十一万三千
石後以老免分月典事免署印是時忠增領祠曹遷
參政元祿元年免納所食万石忠朝老代立分給田
万石封二弟教寬教信時年元祿十二年教寬補官

衛將除給事中忠增進次為知政事侍從文宗立典
憲陵興作及賜列侯璽書章宗時卒子忠郁立德宗
時卒子忠數立忠增時富士山燔兩沙土三日田卒
荒廢至此益貪

教寬以給事中事東宮遷參政封松永族至德宗立
三年益增五千石久之有過免子教端見今為族
忠隣弟曰忠成從軍大小十九功常為最選為親信
秀次誅公兼行如伏見忠成步從未嘗有後公奇其
材力以官衛從段之軍司旗中砲死忠成矯拜何人
為司旗德祖曰我亦欲用之益食邑為校尉歲中擢

為將子阿倍正之奉使平權葉亂為玄蕃頭遷駿府
副留守配官騎二十卒五十人被徵為駿府留守增
食五千石捕得反者由此正靈既乞骸骨子列侯同
入吊災忠成獨質命執政間忠成狀對曰上生長深
宮之中婦人之子不知二祖歷艱難成大業閣變故
忽疾苦忘祖宗之德今天降大災明示警戒御府喪
夷蠻之琛寢席闕奇瑰之玩知財有時乎盡矣有司
勉職有其效息守有其咎知人材有通否矣是蓋祖
宗之靈所以教上也四世有天下可謂盈矣四海之
積一朝而盡可謂虧矣虧至矣自古無不有也如

損積聚為國不足惜也上願奉二祖之教以固太平
之基雖子天地同期可矣若夫府庫之財倉廩之實
都市之匠胥吏之職也不足煩上之慮臣惟不可不賀
上曰善年九十餘卒子孫咸顯仕

史臣曰林信勝稱正信曰於周為太公望於漢為留
曲逆信勝當時親見君臣遇合之際獨其不虛矣忠
隣嚴毅守正至死不變其節有王陵之風而補益于
國過之見前不虞後謀國不顧身養起乎議世子不
之覺也縱令正信降心協謀不啻其私周即不足三
也無報之而受其禍天道也忠成忠隣身也可謂能

見公歸國不意復奉顏也臣死無恨且臣討錢穀自
北管庫之士願君用此養士賞功郵農高大者畏小
者服參日益強公執子泣曰承子之惠近衛前久竟得拜官
倫舒參使參子參官言言白年八十餘卒
甲破參于衙方原公令元忠開門延敵之果大恠不
攻元忠集敢死之士求擊會大須賀康高自後襲敵
大驚逃從擊甲于長篠攻諏訪原先登此時創傷
足沒身不能拜跪從攻小山拔高天神斬首十九級
甲亡從之京師病不能之坡留京師會明智光秀裁
其君信長聞公輒歸參微服歸參公乃使大久保忠
世定信州元忠定甲別相將氏忠步騎一萬人入都留

大掠元忠及松平清宗水野勝成高力清長三宅康
貞僅千五百人佯為畏敵登驪山氏忠以為不足憂
進將入新府元忠邀擊斬首二千六百氏忠僅以身
免乘勝取岩殿封岩殿二万石參伐上田昌幸追至
藤森不能進呼子信幸指示元忠陣曰兵當如此公
行境至岩殿曰如此我無憂使叙從五位下後督小
笠原信嶺未曾義就等圍小田原別會將技藥井加疾攻八玉
子還攻岩槻城中以為元忠良將也降之元忠知淺
野長政不憚諾使者曰我為諸君言耳臣与人何擇
使降于長政公悅曰元忠知小田原平封矢作四

万石秀吉薨公將北伐會津留元忠伏見令松平家
忠內藤家長松平近正佐之元忠曰公留臣必死
且公為無變乎臣與近正足備盜賊固門戶為有變
乎雖家忠等十數無益于臣死會津強將元我雖一
人為公惜之况二將之衆公聞之泣曰如子之言竟
不許居佐野綱政改西城而行後二十餘日石田三
成連諸族作難使人綱政元忠出之諸將或曰我輩
居此坐為虜以衆東下諸族不伐之公之威益振為
虜名惡子必聽之元忠大供具飲士卒曰自列將以
下去者去居者居公屬元忠以此城元忠獨死耳延

使者斬之衆見之勇氣十倍元忠剛果善斷臨大節
不可奪然禍不能容是以寡援木下勝俊公子信吉
勇而兄弟咸不善淀夫人居松丸公謂元忠曰變起
與勝俊共守賊不攻傷彼元忠以為勝俊及之親也
不為我用出之代以綱政守松丸薩族筑茂欲入伏
見不聽二族隨秀家攻伏見十餘日不拔甲賀公朝
宿邑也其守深尾元長居松丸秀家与之書曰夫將
法公等家公等改圖非止釋妻子厚賞公等元長鑿
牆內兵夜半火作不可拒家忠近正咸死左右勸元
忠死元忠勵聲曰賊未能取我々却助賊自屠予雖

一人生之不遺我君閉門固守門亦燒從者尚二十
餘人三出三入疲不能執兵咸自刎死元忠生六十
餘戰賜書即反之臣不事二君以是何為嘗久不食
左右未得進之元忠投之水曰已飽而求人之死乎
是以其死也雖所養無逃者三成以為賢以禮葬焉
神祖在小山以為元忠必死留長子忠政守都官慶
長七年召死伏見者子倍地封之特元忠以為主帥封
忠政岩城十二万石尋益与二万石及之戰再守河
都元和五年圍藝郎出藝侯八年定山形移為山形
侯自益為二十二万石民始苦上復徙其塔酒井忠

勝為庄内侯妹之夫戶沢政盛為新庄侯母之從子
松平重忠為上山侯其賦二十六万石咸屬山形重
忠卒以姪土岐賴行代之云寬永中以寒河江与山
形忠政卒子忠恒立忠恒卒有司言忠恒弟為新庄
養子季弟忠春在家宜嗣而忠恒請還前与新庄為
嗣者為己之後於法不合宜無聽上許之於是山形
亡封忠春高遠三万八千石忠春暴士民四散寬文
三年戊辰大改醫弒之有司議不置後上曰大功之後
不遂非所以見天下後世立其子忠常元禄二年守
馬場崎坐尉犯法未解卒封其子忠英西海万石忠

英賢移封水口請名儒仁齋先生再至水口為元忠
墓碑自謁者兼祠曹文宗時遷參政封任生三万石
德宗初年病卒弟忠利立如光陵以忠利為防火使
卒子忠孝立延享中為奏者

鳥居忠廣從大高之役著名以從親鸞徒逐之久之
公以忠廣勇猛四方多虞宥還之甲君過御方原令
往觀之歸曰兵精陳整不可伐公作色曰豎子畏甲
乎過我郊不伐必輕來侵我是不可犯也忠廣曰臣
所言不可勝者實禍也公所言不可不伐者虛說也
伐而不克何勢之論公不聽成瀨正賴子正義殺人

亡及親鸞亂歸參公遇之如初嘗語祀忠廣義
不受辱期共死己悔曰爭言死之不忠也期死悔之
非勇也等之死敵身正義許諾導兵出本阪忠廣
為監軍二子提首求之相視而笑共走甲軍死甲將
土屋昌次為忠廣所突墜馬殆死是日參大敗

內藤家長參人也王父義清事信忠為上野城主父
清長時尾強侵上野清長亟擊劫之清長及從弟正
成善射尾兵畏不能進以功賜正成食羽角鄉家長
邑愈多於參為大族初贈納言有妾嫁嶋田景信
生信成清長無子取以為子及家長生讓家督而出

圍掛川創將獲家長犯衆扶去長篠之戰候騎亟出
見家長射中數百步之外却去不近參營攻二股一
箭仆二騎城中大駭使問姓名為朝教經之後未
聞如此人公以其常射傷敵却之賜之松平氏固辭
不敢當配以故世子騎秀吉將攻小幡獨前衝陣提
二首而出家長故屬石川數正子之不善攻蟹江數
正未至以火箭射燒門數正怨其不用已命懇之公
曰我為子責之召家長陰慰遣之數正益不自安
至數正亡配以具騎八十小田原之役秀吉望見家
長曰壯士賜砲三十別將降佐倉封佐貫二万石以

長子政長為大衛將秀吉以為政長數使賜之豐臣
姓會津之役家長在伏見以火箭射燒敵歸路死者
甚多已城陷死之公自小山引兵西留政長等守都
宮家長死之後二年封政長江戶將六万石固辭受
万石于前合三万石安房族奪封政長會吏民喻以
上之意毀其城已而伐段為安房新定留政長
子忠興怨不得從軍止之不可予騎二十卒百餘人
遣之神祖曰壯士也還自軍于邑万石明年戰天王
寺東走森勝永神祖問酒井家次朱甲者誰家次忠
興之親也難未答人或曰某也朱甲上曰吾家次之

屬也心知為忠興益封政長忠興咸萬石筑後戾絕
後令政長以松平忠良岡部長盛往收其國二子者
筑後戾之親也後又如肥後收八代會津戾絕嗣忠
興率已屬戾三春盜賊大起白晝劫人忠興殺百餘
人乃止元和八年移封岩城寬永九年上曰前從朝
京師者得進爵而居者不與焉無居者誰從行咸進
其爵於是政長進從四位下平忠興代為戾以己邑
子弟政晴為泉戾方耶獲久不平上使酒井忠勝堀
田正盛從己所訪忠興一岡剛不諂罵正盛曰白
面少年不知軍事然正盛竟不以反于意時人兩稱

之後置大阪留守令忠興及水野忠胤三歲一更世
子謁光陵祀今市備非常嚴宗時老乞骸骨子義泰
立以湯長谷封茅政亮義泰子義英無行家亟松賀
正元諫不可黜之立次子義孝義泰卒代為戾城自
幸橋至瀦水費無算義英以為伯兄不得立益驕奢
作猿舞好姬妾交市井遊人義孝憂之會其室燒無
財可作室徙諸岩城義孝子義稠為戾七年卒無子
立義英子政樹一似其父廣購異書招致遊士好
事不卹士民之乏國租賦半入倡家百姓操錦鏤叮
城門者數千方得吏其心焉政樹歸罪正元孝興執

之孝興者政樹季父嗣正元者也士民尚焉信宗時
徙政樹為延岡族

泉族政晴子政親憲宗時為奏者參政卒子政森立
給事于中後封安中德宗時為奏者子政能見今為
族湯長谷族政亮有所避為遠山氏作嚴陵以政亮
為防火使鳥羽族忠勝斬殺奏者尚長政亮乾之代
弁廟門臨死不能子又曰湯族之多力如此耶憲宗
以為能補大衛將遷大段右副留弁益封邑卒無子
以孫直行子政德為後政德以土方雄賀子政貞為
後復內藤氏今族政令者其子也

清長養子豐前弁信成使通越參越始通還為護軍
圍掛川參尾入越前江背盟尾君邊引兵及尾使者
丹羽長重明智光秀在若狹不能与大軍會信成將
百餘騎驅敵之中迎二子歸甲兵追信成至一言阪
信成謂忠勝曰甲兵強破參必矣參小一敗不可振
喘求救于尾忠勝然之且戰且退至于濱松勝賴出
芝原信成固止公勿戰定甲列以信成亟敗甲相為
常光寺城主拒秀吉于小牧軍清洲餉之糧秀吉如
小由原固知信成名不見厚賜之秀吉降蒜山其弁
不欲降于圍兵且恐其欺之信成見其弁出其衆因

封蒜山併有故所受沼津地慶長七年信成守掛川沼
津信成子大衛將信政留衆守蒜山從伐三成
敗令信成守岩村信政守沃山明年封駿府五万石
十一年發江濃飛衆城長濱移信成侯之十七年信
成卒信政立分邑子身新衛將信廣甲寅信政居岡
備北別之變明年守左崎改平移封高槻為伏見留
守毀伏見移為大坂留守信廣以先驅將再從伐阪
之軍歷官大衛將大京時自新衛將遷大坂右副留
守封侯居阪七年失侯信廣屬士推名七兵有仇告
七兵陰奉耶蘇下吏夷滅其家徵信廣至江都奪侯

未及見上遣其家失火上以為不畏罪囚諸會津久
之赦之信政子信照移封棚倉亦為大坂留守免城
梅林卒子信良立信良老立信廣孫式信憲宗時移
封田中為大坂留守請食阪之側之地許之納田中
享保三年徵免後二年始封村上卒信良子信輝立
信輝卒子信興立

義清身之子正成善射親鸞之乱射殺渡辺弘綱正
成男石川知總將犯公正成抽矢前曰天義滅親我
何有男氏射斃之攻土油樓上有善射者參兵不能
進子正成三矢射之射斃二人一人下吁看求晉公

使謂曰彼欲待矢盡而擊子。姑勿射。正成曰臣
已曉發之。人與指共仆。遂自越。盜賊結聚。不可行。正
成在前擊殺二百餘人。賊乃散。還自御方原。執子弥
九郎。子泣曰事急死免君。左右少年不任罵辱我
死莫能止之。汝為我死之。弥九郎乃反戰。免君與父
歸。自二股正成病。居守先驅。至使閩門。正成叱曰昏
夜逆衆不去。則擊及公。至下火。見公之西。而後閩門
公久立門外。歎曰此夫不可詐取也。甲圍長篠。與酒
升忠次再燒駿別。公逢甲君于芝原。欲伐之。正成曰
甲尚熾。而據險。願少退。待彼之來。處佚奪險。與彼易

道。彼必不戰。公從之。甲君東。道長湫。之戰。前軍大敗。
或止公勿戰。正成高木清秀為護軍。曰。非進者將之。
驕也。半止者衆之疲也。望之上下不相救。急擊勿失。
公從之。破殺其將二子。又曰秀吉好衆人之弊。早入
小幡。待其衰。秀吉見之。曰參君不可及。小田原之役。
二子復為護軍。食邑五千石。慶長五年。留正成守都
官。引兵西出。正成探擗曰。恨不與公一言。是行也。利
速戰。若或曠日持久。倦却生異圖。及其引領。待公用
之。必捷。至岡山之明日。戰敗。三成天下盡。歸德川氏。
與本多正信。典關東之租賦。此後天下無事。常諾人

日夢神見上治泉河、君謂何蓋謂攻改稍移人之
之意指其深謀遠圖人不及知也如此上遇之尤厚
自世子七歲時奉為之傳上後忠見正成託獵至其
家厚賜而去慶長七年卒子某為伏見副留守孫圖
書有罪奪壹間封佗孫正重奉其祀

正成弟曰忠政少時以軍功食邑天正初得病家居
時未有子乞金田清成子之子之其邑清成雄毅有
材畧子本多正信大久保忠隣青山忠成同預政事
為修理亮小田原平封當麻為江戶令領百砲將忠
政後生三子忠重政吉政次閔原之戰忠重從上田

之軍清成守西城上誅三成歸江都忠政常侍燕間
甚密近慶長十一年病卒、後以忠重為世子傳元
和元年上如京師以忠重為奉行伊賀守子江戶崎
三歲益封至二万石領親官衛將太宗親政子牧野
信成井上政重使如甲州徙駿戾高崎後二年徙封
鳥羽改志摩守忠重卒子忠種立為上治勢州之地
屬司農者明曆災命起內城卒子忠勝嚴宗葬緣陵
率兵衛新廟謁者宮津戾典祭儀以爵位輕凌忠種
斬殺之賜死因除
忠重身政次太宗時以父兄任補官衛除尚食遷世

子傳式部少輔以從孫正勝為子用為親信憲宗時
歷二衛將留守卒于大坂右副留守卒于正安襲父
爵封岩村田復為大坂右副留守子正敬今見為族
江都令清成以三成平之年封為勝山族以忤神祖
免官卒子宮衛將清次代為族倭已邑封將父所領
百砲兼奏者阪平与酒井忠利青山忠俊為東宮執
事今如今參政為執事二年卒仲身清政立併已
邑為三万石族立八年卒季身政勝立娶京兆尹板
倉重宗女生子重賴政勝立七年卒上將封其孤重
宗曰兄弟為族不及十年死不應吉祥使辭受五千

石嚴宗時重賴已長歷防火使官大衛將給事中憲
宗時与堀田正英同為世子傳世子薨家居母何為
參政封行方族代土屋政直為大坂留守遷京兆尹
卒無子立水野清救者者守正子妹之子也清救
立封高遠為奏者免城東城清救子賴鄉德宗時為
奏者上謁光陵屯小末川上備不然卒無子以永井
直陳子賴真為後補奏者

史臣曰節莫大乎執義不四忠莫險乎奉身徇國守
莫過乎帥衆趨死元忠留伏見一日不忘喪其元方
夫衆議紛紛斷使者之首以絕望生之路非兼三者

安能哉其終與家長近正等摧身鋒刃之未著名竹
帛忠廣之悔狼暉之義也弥九郎之死紀信之勇也
此文而有此子正成可謂忠矣而其臨陣英敵君國
策遠非人所及也

植村棟原本多阿倍成瀬渡邊土岐采津村越伊奈
石谷西尾屋代折生小野弟三十五 卷六十

植村棟原本多阿倍成瀬渡邊土岐采津村越伊奈
石谷西尾屋代折生小野弟三十五 卷六十
植村采安土岐光信後也自王父時官參采安稱為
出羽守阿倍定吉子正豊弒清康采安在側立擊殺
正豊采安傷其君壯變起倉卒將死從其君地下大
久保忠俊曰子欲死君之事耶今非其時尾以我喪
君乘我弊子待尾悉兵攻岡崎采安大呼陷陣躬自
所殺傷不可勝計尾大敗而去遂謀內嗣子是為贈
納言久之岩松弥八醉傷納言八創不能起采安
適入請事過諸門執墜隍松平信孝午槍欲刺恐傷

采安徘徊不敢擊采安曰賊善走失之靡及子併擊
我采安竟持殺弥八采安有過人之功二有矜夸之
色忠俊曰是臣子之職身人若處子之所亦為子之
所為非難者子特以為功何也采安不能應因是疾
忠俊渡理之敗諸將咸走采安見忠俊獨止防敵及
走曰子勇過于我子釋憾助擊敵却之天文二
十一年為駿攻杏掛死是時子家政從公居駿府子
尾平從如清洲家政持刀從即中止之家政瞋目叱
曰我持我君之刀子止之何尾君故聞其名目之笑
曰子者參公之樊噲也家政自父之時預政為出羽

奇卒子家次仕世子死矣館林及為出羽守慶
長初家次子家政為先驅將選補親信遷親衛將以
前驅將從攻段明年令從神祖之軍寬永初為大衛
將衛東宮封万石尋免封高取卒子家貞嗣嚴宗命
造耜閣孫家敬室永中浚大和川

采安少子忠安為僧居鳳來寺公知其有勇可用俟
還俗為土佐守甲破參于御方原追燒濱松忠安防
之得金鳳來寺民及附甲忠安遣兵悉捕獲攻岩槻
本多忠政被創幾獲忠安救之免小田原平食邑勝
浦三成平增為五千石慶長十八年忠安子康勝守

伏見是時忠安已卒明年如尼崎遂攻取封萬石補
大衛將康勝子康朝、子宮衛將忠朝、子內
親信正朝皆為大衛將正朝及其子恒朝皆為大貳
副留守信宗時恒朝坐事失族
榊原忠政父曰攝津守忠直死于御方原忠政從公
居宮崎還伐吉良義虎藤波畷有功取長澤光登公
以忠政疾走敵号曰隼忠政蹠蹠喜異于人自称弥
平平平兵衛一宮之戰疾劇不止公呼忠政責曰
有可死有不可死是豈可死之時耶如姊川提首歸
報見左右無人遂留居側忠政曰逢敵北者咸公愛

士也公大笑賜之甚厚渡諏訪川望見公舟呼之舟
人不應忠政不知公在泳登舟斬舟人見公大駭親
棹達岸從者言之公曰如彼無奈之何使人視之伐
竹塞門毋何釋之是時与甲日戰忠政常趣攻擊長
湫之戰躬親所斬首四級鼻十三還令侍世子為攝
津守慶長五年病死

本多信俊善射還自大高盜賊充滿不能進信俊在
前射莫不中賊驚不敢近及駿君圍信俊于一宮諸
將咸曰不救便公曰取地不守若莫取哉置守棄之
若莫置哉且我棄而不救雖諸將孰為我守邊直貫

駿陣操信俊而還定遠列信俊子戶田忠次守都築
取氣賀日比婦川之戰斬首十三尾君曰參多壯士
名曰信俊連己名信俊初名忠俊不詳誰子尾君死
尾所置甲守川尾鎮吉大失人之和公遣信俊曰甲
守去送之居共守莫使及難鎮吉意信俊掩之使醉
殺之故武田氏士知鎮吉無援相命殺之信俊子信
勝後為百砲將

阿信定次定吉弟也從納言奔覽潛歸責參將吏從
信定者引義辭氣慨聞之無不泣下參乃謀內納
言奉之納言之歸定吉兄弟之力也定次有子前死

見大久保忠次子忠政善射悅之妻以女為養子忠
政忠世從昆弟也忠政初從公如清洲既遁歸參著
軍功公歸參攻東條有一將屬衆前戰忠政射殺之
大破東條親鸞徒攻上曲勇士如渡邊守綱算重忠
等咸為所射傷不能戰親鸞徒遂衰取二股令忠政
隨忠世守二股忠政不欲屬忠世亡之覽別忠政子
重真因之事蒲生氏鄉攻九戶一人以詐燒殺數
百人而去重真追射殺其長慶長初公愍忠政老重
真復善射召之少頃犯法以久居外年老釋勿問次
子曰正之自官衛抽弓隊將為使者收房別以監察

如肥後未行以行人從攻段久之德祖謂正之曰寒
甚創者恐不起我欲奉太上還京待來年鄉如天滿
視可城所令衆休息其中既造圖進之上嘉之復遣
正之曰臣弱不足定大事臣請得貴重臣共行上不
許曰太上見善子之言尚誰之遣凡正之之言必驗
上曰惟子始從軍何以如此子實生知之明年如肥
後刺得加藤美作姦謀書美作去年饑糴于段族不
知至上復徵段攻段以後事付美作并隈本正之以
為美作反然段之事未可知誅之恐惑衆与久我蓬
庵謀曰以美作并隈屋我為族守隈本奉大夫夫人更

擇可付政者蓬庵曰美作不可奈何曰我為子斬之
美作聞正之之言如関屋後事發得罪正之居肥後
一年還復為弓隊將肥後有那須久太紀众左近自
秀吉時前已三分椎葉山各有其一有村二十六口
可二千捕鷲貢是時有彈正者殺久太保有山中上
使侍中臣問正之計正之條九事上且曰難踰度
上見群臣議咸不中旨遣正之及久保忠成求麻
使且徒事求麻小恐不足用召延岡兵不足發豐後
以南可發者正之兼行至求麻令山中曰使者至吏
民自十五至六十咸請受辭彈正久不出使趣之

日不如今者伐之彈正乃從其黨三十人如求麻至
則擒之從者次入皆縛挫之盡得黨惡主名其夜斬
彈正等十九人人人持火入椎葉險絕無路率葛之
根上山負太刀抱小刀四日至那須氏家其黨不意
使者奄至咸追捕獲之斬百四十人婦人縊死者二
十餘人立久太後為求麻之屬山中乃定正之歸報
上復遣正之小田原視地立宮將老正之還具言不
可上乃止又使易兩越之地正之有四子曰政継正
朝忠隆正義父子兄弟身雖貴氣節善事明經師莫不
稱之云

成瀬正頼関白二條良基後也有又太郎者奉親氏
又太郎玄孫國重死于安城其家譜所言如此或曰
酒井廣親同母弟成瀬忠房後也云正頼國重子也
清廉見弑從公子廣孝破尾伊田納納言正頼有力
焉同鳥居忠廣死于御方原正義者正頼長子也次
子正一去參如甲從諸角昌清拒越之人斬昌清持
其首去正一追斬殺昌清者因此馳名甲越之間會
參禁遣子弟事諸侯正義欲去恐甲人覺被誅亡之
相從鴻臺之軍有功相人愛之放使還參蓋以其
兄正義田宅与之為行人是時參甲日戰正一以知

甲事常從侍側將砲卒如長篠多射殺甲猛將攻高
天神晝夜巡諸將所部警戒無有怠懈是時命正一
舉可去從事者正一薦日下部宗好天正十年甲亡
尾所置守為亂兵所殺公遣正一招降故甲士正一
如武川曾與善者死亡祖盡行令曰事參者去我會
市川於是米倉忠繼折井信昌先至言公遣二子降
武川六十餘人甲人聞之咸降正一宗好為奉行為
之帥至乙骨獲相謀二人相之事盡知之秀吉殘根
未一人奔參因其衆立正一及伊奈今成為百砲
將小田原平使正一守鉢方與二千石慶長五年從

圍上田如伏見與松平定勝同視事別與宗好典畿
內地屬司農者與宗好及板倉勝重米津清勝為伏
見留弁奉行十一年定勝為伏見留弁正一罷歸江
都正一子正成吉正一武正勝正則正成為駿府知
政事兼尾相自有傳元和六年正一卒正勝嗣寬永
中為百砲將吉正殺人匿于加茂之戰有功食萬二
千石正武居江都為豊後守敗之戰兼將親扈二軍
封侯給事于中寬永三年還自京師賜死小山長門
嬖正武子之通禁之不可正武族人仕女于京正武
以長門就之飲免冠而坐御史奏大不敬下吏賜二

子死正則為尾大夫

渡邊弘綱左大臣源融後也世為參強族能堪戰範
綱者從清康死于下地之戰弘綱於攻日近著名有
二子曰守綱曰政綱拔長沃守綱斬其守小原鎮吉
戰小境左手扶創右迴槍擊卻進者敵圍矢田清解
馳斬一騎手拔還及酒井正親責親鸞徒渡邊氏宗
族人勝蔓寺以叛既戰中失而伏人咸以為死爭將
斬其首守綱一手拔矢杖槍起衆視之驚走凡三攻
上曲不克弘綱亦被射殺兄弟竟亡數年公還之甲
君過御方原守綱切諫以為不可伐一之果敗甲兵

將及政綱措弓而坐結鞬追者恐不近守綱与鳥居
元忠開門擊破追騎定甲伐稻垣長茂守天神川長
湫之役守綱以行人將砲卒前軍敗勸公乘之有一
將前戰其鋒不可當守綱走呼信輝敗其兵削之卻
走斬首不可勝算小田原平食松山五千石從如奧
別与大久保忠侗等議條沼松島名古屋役加兵与
我爭水守綱与服部正成出具後待戰之合欲襲其
營加兵退乃罷守綱子忠綱以先隊將圍小由原封
比企二千石公將伐會津宿石部夜半遠去石部忠
綱得一人擔輿而行守綱以百砲將如関原公將止

軍守綱白地卑右有園可登公從之大捷慶長十五
年封伊保萬二千石屬尾曰侯不悅子還子後再從
侯攻陵元和六年守綱卒子忠綱先死立次孫前為
大衛將者山城守重綱子孫為尾卿立成竹之間初
戰長祿政綱以職志從軍斬甲猛將真田信綱有二
子一曰秀綱仕尾一曰直綱為紀卿若狹守封萬石
大宗晚年朝廷忌紀侯雄傑好士適聞尾侯病使
請朝上許之至見附逢執政以尾侯瘳止不朝未及
作報復使侍中徵入朝侯大恐不知所為直綱曰君
何憂依侍中之書執政之責至依執政雖侍中無辭

上若以此試公必莫朝紀侯乃作書歸紀無有它
事直綱賢子孫衰初忠綱長子勝綱代父封比企早
死無後元和九年德祖宴于尾邸以比企子重綱
子之叔弟正綱使仕朝太宗時歷二衛將嚴宗初
遷大衛將留守給事中為大段左副留守封大井侯
再傳至基綱基綱為大段左副留守居職二十八年
卒子登綱立正綱弟綱貞歷新衛將江都令大隅守
為侍御史用賂家富珍美滿前然恠畜幼子在側不
使食坐典越後事不直流于八丈三子皆流遠方後
赦還長子直綱前為親信安藝守

土岐定政父曰兵部大夫定明世有濃別定明為其
將裔藤道三所弒定政從母匿其舅菅沼定祐家号
為菅沼氏子永祿七年定祐以定政屬公以本為名
家与邑為山城守壯勇有軍功御方原已敗大久保
忠勝傷足不能行定政抱上之馬免公益壯之賜良
治長光刀甲兵至小天龍遣木多忠勝視之久不及
遣定政往邀忠勝逢甲兵戰未決定政直馳甲陣觸
之便仆左右貫陣出与忠勝共歸公既定甲封定政
切石万石公出長湫池田信輝率銳士與公相當定
政時典旌旗疾戰摧其鋒信輝敗死召定政曰旌旗

以為進退今日之事微子殆危屬以騎三十公在小
幡軍吏恐秀吉夜襲定政曰我往見耳獨騎出入敵
中敵怪不敢擊還白公歸小牧詰且必来々無能當
公復令定政遣謀者還虜白馬騎及謀者遂与渡邊
守綱守黑田秀吉桑小牧攻黑田以水注之不拔小
田原平徒食邑相馬復本氏卒子曰山城守定義甲
寅以大衛將從攻段元和三年封高槻二万石与材
建城不久卒子賴行幼上徙松平家信為高槻侯歸
賴行相馬長能使捨封上山二万五千石嚴宗時乞
骸骨長子賴長病立次子新衛將賴殷憲宗初為奉

朝請補奏者除大段留守納上山官食邑河提之間
益万石十餘年入見上進從四位下班比京兆尹文
宗時去官老上以其子賴稔為田中侯德宗八年為
奏者兼祠曹遷大段留守進從四位下復納田中官
有惠政歲歛無饑者久之轉京兆尹侍從公鄉悼其
為人無敢于以言寬保二年歸江都省母病母死畢
喪為知政事封沼田賴稔好學有孝行居官著稱為
知政事三年卒子賴熙字君績立

采津清勝妻竹腰正信之姨而神祖乳母子也以故
親寵超人其妻曾有所夢與神祖所夢同事蓋段衰

參盛之兆當時甚秘之清勝父勝政事清康兄政信
為職志死于御方原之戰內大臣藤原周後也云公
將伐會津問清勝世謂我何答曰世謂公無遠見曰
何日夫諸侯多不善公者雖路人咸知其必有事馬
蹄之間方伐會津以為使所親善諸侯守伏見收奉
行質子知後有難而不之備何也臣以為然公默然
已誅三成以清勝為伏見留守遷瓊令死甲寅清勝
故吏有罪絳連清勝子賴勝誅死無後政信子田政
文祿中為大衛校尉東宮行人慶長九年為江都令
子田盛歷三衛將為大段右副留守封侯憲宗時卒

子政盛奏者祠曹孫政矩邑久政卒于大段戊所政
矩弟親信政容代立自大衛將遷大段左副留守卒
子政立自大衛將復左副留守于段其母大憂曰而
父于世父咸死于段而往必不復而必勿往奪爵土
我無悔政立乃称病不行

村越直吉不知所以從弱為行人使于四方伊奈今
成伊奈人兵庫頭政道子也為百砲將使百景勝不
至公怒伐景勝至小山會石田三成及奮兵遣今成
岩于沢罷兵自備政宗佯許今成公歸江都使諸侯
軍于清洲久之直吉至清洲監軍直政忠勝問所以

為使子所以不出直吉曰公以為諸侯号為伐三成
而見三成之黨驅于尾濃之郊而不之伐疑其有私
以故不出所以為使是己二子曰否諸侯在清洲者
咸欲噬三成之肉待公至甘心焉若聞若言怒公疑
己不若勿言己見諸侯直吉意使己非望老成制變
非使以此告二子徒以少年銳氣責諸侯不貸也悉
告公之言二子失色久之正則曰初公命臣等召從
三成者臣等乃遣說客遊士其間而忘戰之事臣等
請破岐阜豎子直吉曰使事畢當歸不聞公之事止
之不可大望日子亦大強子若聽我從今後我不負

子之言直吉迺止視戰公既破三成令今成塞逢阪
正則使者過関不下馬関吏呵正則軍素驕不冝下
馬吏執撻之使者歸報曰臣所以不死者以廢使也
今事訖願復行死関下正則曰止矣子死必以今成
首祭子函使者首遺今成之斬鞭使者之六人与
正則之不受曰使者雖卑不比奴虜且得一士足
矣多殺何為直政見上曰天下之事未可知也正則
去諸侯生疑且正則上三井寺無可攻之上不憚曰
奴輩輕侮諸侯之士其長有罪正則此時懼直吉至
令舍人中泊曰有敢通村子謁者死直吉聞正則欲

害今成見欲釋之至門莫為通直吉大怒罵曰及覆
子為汝所賣絕勿相見今成謝公之言自刎死直政
持首詣正則會其將徙軍望見直政曰公不義我
復不能事公見今成首乃止直政後語人曰功已報
矣罪未治矣夫人不能無過藝侯之身不其難矣哉
直吉子吉勝太宗時御史司農江都令
石谷貞清王父曰西鄉政清居石谷事駿之衰附參
、世子母服部氏号曰西鄉夫人政清以嫌改今姓
云貞清弱補大衛甲寅所屬將菅沼定義不從軍貞
清以為阪平無竟展其力因定義請不許以為功過

相補而傳名後世潛從至伏見德祖乃召見賜三十
金使居左右竟為中臣自宇都宮夜還唯負清及中
臣數人挾輿步行太宗時尤愛押每從獵与少壯從
宮角趨射遲疾為娛上嘗遊麻布有奴跨馬而過者
上命斬之奴多力業角抵負清援而墜馬強不可制
相持久不決上臂鷹立顧笑曰負清不念奴之強果
見因少時縛奴至上命放之賜負清金帛曰不成我
過也用為先驅將遷御史典鑄錢耶換乱以御史從
板倉重昌如原以為其女塔也負清不為當路所容
功多不見錄而上欲見其軍容進旌幟甲冑帷幕見

之內城燒負清部全北門除砲隊將遷江都會左近
將監捕反者丸橋成純別本庄左誅之成純習武藝
力強負清恐傷衆使市肆陽為火起謹呼闔戶便擒
負清為政寬猛得中常曰文武不可偏廢善知忠臣
義士之立身顯名徃古之事於廳壁書官及內貨未玩
物喪志二語廉而自守所知貪者振之薦使仕諸族
有異味与人共食不与妻子有訟者立決不使久立
于庭子長門守武清守父之教無所儲不憂官至皇
宮衛尉

西尾吉次濃州人也初居尾君帳下明智之難走告

參公々々欲伐明智吉次以為不可克諫之從歸參
為隱岐守小田原平食奈化川五千石子本多正信
策三成事慶長四年封萬石典中嶋之粟明年從至
小山上既誅三成如大津拜吉次為奏者十年從如
京師正列國之賦子寺社之日十一年々七十七卒
先是養酒井重忠次子忠永為嗣久之生子曰利氏
吉次卒官衛將忠永代為侯分利氏邑二千石甲寅
元和別禁暴掠己卯從攻段徙侯土浦卒子忠照立
分五千石子身立水正忠知々々後為官受俸歸邑
于忠照時人以為賢与水戶義公知政事重矩石谷

市右鈴木伊兵号为五聖忠照為光陵防火使一年
移封田中卒子忠成移為小諸侯憲宗初命檢正高
田之田移封橫拱文宗時致仕子忠直立享保未為
奏者兼祠曹三年遷參政延享二年為知政事代既
橋侯輔東宮益邑并侍從母何東宮立是為信宗居
政府三年復為德宗相

屋代勝永甲將也參公入甲別勝永守駿由間道逃
歸甲君々々日敗亡之虜不可威敵遂之亡遷更級
山中追川死適居上杉景勝軍中子高阪源五謀
襲景勝々々覺殺源五不知勝永子謀遣守海津勝

永忠奉命被誅為之海津長驅南奔詣參公居帳下
賜食邑更級伐會津賜勝永書趣北方諸族加越兵
未行以弓隊將從如關原甲寅率先隊卒如阪子安
藤正次伊藤政世為使者監羽列兵見守柵兵寡身
親攻之有功明年若麾下趣戰後為駿河越中守賜
名忠照守小諸城駿族被遷坐奪邑母何封勝山族
卒子忠政前斬矢野正倫于鳴野及得二級於是嗣
為越中守自砲隊將遷百砲將嚴宗時卒子忠興立
忠興以從身忠至為後列奉朝請移封北條為大衛
將文宗初以邑不洽奪族食俸三千石誅宰二人

柳生宗賴本中坊氏和別柳生人也父曰但馬守宗
嚴字乃上泉伊勢号曰新菰氏之法宗嚴以邑屬松
永久秀引尾兵入和別宗賴自幼學刀於父自以為
莫己若者周徧天下無能于敵文祿中至江戶為麾
下士宗賴故所友善鳴勝猛為三成將宗賴居伏見
聞三成將作難造与共語見其意勝猛不知三成實
如此對曰今豈有松永明智之事哉是時賜宗嚴書
從宗賴伐三成德祖太宗咸學之刀大宗尤善其術
以杖擊墜飛鳥親寵之躬至其宅增都城為奉行除
侍御史封柳生族卒贈侍從宗賴三世為師賜與累

千万至死盡封還官亦不請後宗賴有愛猿人或造
宗賴求試劍使之刺猿卻為所擊其人掩面去後教
年復未前猿尚在見其人驚走宗賴笑曰仗進兵
可教傳之其術天下因是益稱焉耶獲之明倉重昌
誅之勇若于親之不及還言上曰以神祖之明與信長
將材位卑邑小其威不足使人必將擇宗室宰臣遣
之重昌業已為將不肯受制于人重昌計不
死何為臣願為使者追重昌上不憚重昌死宗賴
知天下大勢以術明禪以禪明政造其死上曰我
宗賴教祖知大術某事以禪明政造其死上曰我
八千石為嚴宗師及教甲族館林族封萬石卒長子
宗春先死有子二人請其父曰精于伎者亘嗣二子
未得其妙願立我弟為嗣弟曰宗在為外親信父死
代之宗在卒立兄子俊方給事于中二年免習熟其
伎俊方以乘以異姓為後今侯俊峯者真田信弘子也
小野忠明本神子上氏勢別人也適上總事万喜少
卿有善刀者伊藤景久教忠明將盡傳其雅所秘前

弟子善鬼嫉而求闖景久許之遂闖擊殺喜鬼盡受
其教景久曰我教人多矣今得其人盡傳其秘當不
復置意于人間去不知所終或曰忠明以為天下唯
景久勝已候其寢賊之云忠明適江戶有使者捕賊
持兵莫敢先入忠明過而見之直入斬之于願使
者曰君當斷頭使者乃以其狀聞得居帳下教世子
其伎上田之戰与人爭不直乙外言某甲乙丙怯懦
避敵土井利勝卻之曰太上戒臣等以為失于嚴且
既往之事也某甲聞之大怒詣吏辨之忠明不能對
坐閉門數月唯乙不直被黜忠明以長子忠也為師

後以次子忠常為小野氏咸善其術太宗召忠常受
其教之不一士庶以故賜子絕不及而悅柳生宗
賴遜頃會忠常微行歌舞劍道中者有司言忠常身
居師位微行入市人較術大不敬奪邑從上總久之
殺一人盜上見吏狀有忠常名惻然憫焉赦還之待
如故忠常將入謝有以機轉石者高八九尺塞路忠
常跳而起之時上觀假山忠常意欲超之自知失常
趨出從是杜門不出子忠於亦以伎名于一世

史臣曰漢文帝謂李廣曰子若事高帝万户侯不足
道身雖有鎡基不如乘時生不逢時湮滅不稱者有
矣植村柳原等諸子曰不過其時不可也曰過其時
不可也至彼無赫赫之功長亨富貴者誠非人事也

松井高木牧野稻垣久世傳

山本

第三十六卷

卷六十一

松平康親初名忠次王父松井宗信官駿父宗保清
康時未仕干參其舅松平義春以忠次為能請令共
從軍竟客事義春三死子家忠初命為家丞治其
家戰在瀬川屋人砲中其日忠次左手掩目右持刀
追斬持砲者久之令守津平迫東條以拔便賜食
津平攻西郡募人刺殺其守擒守之二子西郡平又
攻拔岩略寺東條復叛壁于幡豆迫之東條平益邑
賜姓松平氏賜家忠東條忠次相之園掛川伏兵擊

破城兵城川之戰中矢以其矢射殺射者長篠之役
從酒井忠次攻鳶巢破其守千城下迫不得入城与
長篠守夾擊大破之從攻諏訪原拔之公召忠次曰
甲立此城為高天神之援雖食頃不忘復之諸將畏
甲無敢言守此城者於子奈何忠次拜曰必無守者
臣請死此公悅曰甲之惡過于紂昔在周殲殷于牧
野從今号子曰周防守革諏訪原曰牧野為攻甲之
造賜石康親勸攻小山不拔罷芝原之役將兵
塞塩関還与家忠助故駿君経略故駿地与牧野康
成屠持舟已棄之取田中之麥与酒井忠次擊破持

舟兵家忠卒無後公使康親悉有其邑辭曰君臣相
代不祥莫大必無帥得其衆而將之公許之川尻
死康親守三枚橋屢初相寇進取佐野其明年康親
卒子康重代父守三枚橋諸將在上田不能歸康重
与大湏賀康高等率兵邀諸將城兵不能追攻小田
原康重為先鋒牧野康成木多忠勝次之山中破康
重康成遮伐敗卒斬首老多与小笠原信元攻宮城
野斬首八十擊破三成小田原平封崎西二万石伐
三成令康重北備常寂三成平召守大垣明年封為
笠間侯久明年將兵收水戸、將軍猛虎作乱康

重又如水戶誘殺其黨馬場和泉慶長十三年徙封
八上上按地圖以為篠山陰咽喉也命藤堂高虎
發諸侯城之以康重為侯毀八上甲寅壬固部長盛
部伯耆兵破阪兵于別府川明年阪兵遠出焚掠二
侯比龜山欲伐之會曾根民作亂討平之後五年徙
封岸曲從朝京師進從四位下卒子康映移完粟徙
濱田卒子康贊憲宗命造筋違石城康贊老子康貞
之康貞老立再從弟康豐上光陵時命守足尾宗光
康豐卒子康福今為美者
高木清秀參牧內人也自父宣光時事小川水野氏

納言罷夫人兄信元令清秀殺送夫人者夫人以
為兄固暴聞我婦必留送者至入境盡遣歸之信元
以為清秀逸之怒將誅清秀乃亡之尾既還之拒
參公石瀨一日七合信元死事佐久間信盛平親鸞
徒多清秀謀也信盛被誅往來居參公使其族人廣
正名之戰妙川有功還自御方原公令又持廣正所
得僧之首徇曰斬信玄城中乃定長湫之戰清秀為
護軍走歸白公曰拔岩崎而力竭秀次走而衆懼可
代公從之破殺信輝等軍小田原平食邑數名以老
免從軍清秀不能自休從名右屋及小山軍上曰卿

所謂老益壯者耶是時子正次從園上田清秀後八
十五歲死正次為大衛將壬水正甲寅典運攻具明
年戰有功元和九年為大阪雷守封丹南侯卒子正
成前及園上田以宮衛立功阪軍於是代父為侯以
己邑封二弟明年為小田原雷守一年遷為宮衛將
遷將大衛卒子正弘孫正盛咸為大衛將壬水正正
盛長子正長次子正陳相及為侯正陳大衛將奏者
卒兄子正恒立
牧野信成源姓自壬父正成任牛窪牧野氏永祿
八年牧野成定舉正成及山本賴純稻垣長茂為公臣

正成號稱讚岐守後賴純子弟勛助去參官越勛助
事甲久之賴純歸參平岩親吉石川家成酒井忠次
交薦居麾下為公言越軍法勛助亦善習兵今言甲
兵法皆宗之小田原平少弟賴重食五千石傳賴純
兵法為越前侯師死于越其書不傳於此時信成父
讚岐守康成亦食五千石狩田原衆逐鹿不能得信
成一箭斃之上甚悅甲寅以宮衛將乙卯以大衛將
從軍有功後為雷守子內藤忠重使從駿侯千高崎
封万石造內城世子生以信成為傳歲餘以濱松侯
衆壽為世子傳從信成為親信以類左遷進從四位

下二年封閉宿老子官衛將親成立親成送太宗喪
如光陵還拜侍中領鷹犬二坊遷給事中以娶故京
兆尹女擢京兆尹食俸万石納閑宿于官拜從四位
下侍從領官騎五十卒百人礼之至厚之任福禪寺
僧講淨土教法華徒數百擁書生意三詣福禪寺僧
曰律禁異教相難子始去意三罵曰老賊不知是義
妄非法華視法衣健之衆怒伐法華徒意三跳偷墻
墜水不能行棄衣裸走親成舍人牧野木工受意三
金誣僧妄捷人繫京兆獄智恩院僧正遣人江都告
變下吏具得其實然難親成不究其事坐僧以開議

非異教犯法執豆州流意三于三宅徙是罷益衰詣
江都不得入政事堂寬文八年免為田邊侯猶益衰
千石致仕弟富成立憲宗初為奏者典墾書卒徙子
英成立英成給事中於是免致徒役鑿隍章宗時
為奏者德宗立三年領祠曹遷京兆尹交公卿有聲
譽十餘年入見上知政事松平兼色者英成子治成
舅也以為英成錢通取媚不顧已後令上書請免上
許之子治成為奏者

稻垣長茂其先勢州人也祖父重賢徙牛窪奉牧野
氏父重宗屢拒卻岡崎兵以為岡崎竟不可敵諫其

主成定以兵屬之公以為賢置帳下暮年成定死子
幼重宗謝公歸輔其孤公既取駿如安士居松平康
親三枚橋本多重次清水長茂奉成定孤康成居興
國寺以備相之變居十餘日尾君被弑公未歸參二
子謀長茂曰相不可信併二城于興國寺尚可當長
茂曰人情一搖大事去矣請為二君言其害相若為
不信以是為辭其不可一也相若無變由是生謀其
不可二也百姓以我為畏相重相輕參益懷姦詐其
不可三也今公在遠去守廢命臣節安在其不可四
也且公之行建三城備相之變、作桑之何前輕受

而今輕反之願二君咸死其守二子曰善康成所部
多伊賀甲賀人聞難欲西歸長茂命吏盡遣之康成
止之曰子不募集而反散遣必不可也長茂曰不然
此徒日延頸思西歸若此不遣人心不固流言輒
作其害殊不止于斯用不可用之人守城望敵離叛
於是時城必敗矣不若先無事遣之視相以有餘相
亦不測我厚資遣之衆泣曰公過我鄉我徒以死相
送由是人情不搖相不敢西下公還定甲令長茂壁
于足高之麓一年移壁于中窪遂以封康成小田原
之役長茂上函嶺斬首數十級遂為井伊直政作攻

其用以入城有湟不可度毀船為橋使人決水于海
逢事為用皆此類也公嘗稱曰長鬚即無雙長茂鬚
美故云小田原平封新川二千石仕于朝慶長六年上
既誅三成歸江都長茂守伏見一年封伊勢崎万石
十餘年卒子重綱從攻阪之軍乙卯阪將千餘人陷
陣直進重綱曰是窮寇難与爭鋒固聚不動見戰亂
列伐之火破之再益邑封二条為大阪左副雷守遷
雷守避世子名改重植卒重植有子先卒孫重照立移
封川屋重照子重富憲宗時為親信除參政移小瀧
求行改封鳥山封鳥山明年与侍御吏安藤重玄司

農萩原重秀石尾氏信如于京于阪于長崎搜遺利
代本多正永復造文廟、燒也憲宗厭代為山陵
副使復幸文宗時人疾之尋為知政事以不協職免
子照賢見為鳥羽侯

重綱弟稻垣重大攻阪有功為世子親信稍遷除雷
守卒于世子謁者子重定嚴宗時歷宮太衛將憲宗
之為世子使如京及阪還遷給事中代内藤重頼為
世子傳世子薨復本官擢參政封山上侯以事免子
重房大宗朝補大衛將卒子定亨立
久世廣宣王父廣長及見守山之變父長宣為親鸞

徒死其亂公既釋從賊者令廣宣阪部廣成渥美勝
吉從小笠原長忠奇高天神迨長忠叛降于甲三子
咸自拔歸參公乃部為大須賀康高之屬三子有勇
每戰冠軍而廣宣善射常攻高天神射貫十餘人看
松城中以為神還其矢至稚巫入相壁劒墜臥于一
人戰仆之血濺日不能斬有自後來擊者反瞋目叱
之血泪俱下相騎磅礴退竟斬首還公因救廣宣拔
其壁見廣宣日子不辱父祖小田原之役令廣宣廣
成視敵左右笑廣宣後應公曰否廣成有勇廣宣有
志臨事決于死廣宣果深入詳察初二子齊名於是

定其優劣小栗忠政見廣宣數受賞不能平欲与計
功謂日子何以居我右廣宣不應拳手指天忠政大
笑罷康高死事忠政忠次、幼其母信諶想廣宣
等不能事孤上使康高從子勝政視其家勝政知三
子雅得衆每輕凌折三子不能堪亡奔前沢甲寅神
祖念得勇士皆已物故知政事正信薦三子居前沢
可用神祖召之拜廣宣為百砲將當阪兵復鳴野言
曰鳴野易取難守毀之便上若許臣以砲翼騎伐之
惟敵之策亦出于斯過今不可上許之毀鳴野明年
阪平榑原康勝死廣宣廣成集其衆料功過後二子

自伏見歸江都數藝族罪廢之廣宣子廣也代父為
百砲將廣之為尚食神宮衛嚴宗時為知政事自有
傳
史臣曰阪之役神祖親至太垣營見奮所識參河士
視之與共道故而法雖周公且吐哺握髮何以過之
是以康親等諸人備仇牙之任致位侯伯駢驥一時
莫不展足雖事家者莫遺其材矣
卷六十二

丹羽山口佐久間兩花房戶川藤田平岡第三十七

丹羽氏次一色範氏後也世居尾丹羽事織田氏王
父氏識以岩崎降參至參尾平正疆畧岩崎復入千
尾君被弑父氏勝以二子氏次氏重屬參公增
與氏次參地使仕後尾君秀吉有吞尾之志與氏次
書許以尾之半封之氏次立裂棄擲地瞋目大罵使
者懷不及受辭而去參公乃令氏重守岩崎急繕其
城池田信輝自樂田襲岡崎潛過岩崎下氏重以為
參公不知恐危岡崎發砲欲其聲之聞小牧信輝乃

攻屠岩崎氏次此時子諸將破秀次合堀秀政不利
氏次退據險拒之秀政乃止待公至破殺信輝秀吉
徙尾君子羽屬氏次于秀次氏次不悅仕子氏信于
江戸慶長五年氏信封伊保万石六年氏次病死氏
信後二從阪軍乙卯水野勝成將和州兵氏信為副
阪將薄田兼相恥失博勞淵欲必死于軍嘗之數退
氏信射殺其少將擊破其軍兼相走死軍散後三年
為式部少輔駿疾祇發將收掛則還為右砲將遷宮
衛將封岩村二万石元祿末妻太鄉左等二十餘人
普典容山村直堅筭出納十年多私減吏士祿增農

高稅莫不疾苦有所私使賈人納田租于己民訴之
受不治恐其發盜田稅臣等所聞如此請下吏考驗
岩村疾氏音者氏信孫也知直堅精廉奉公欲誅妻
木等其親姻半于國不能發久之直堅引咎請去氏
音妻兄井上政岑為參政謂氏音曰結黨要君天下
之大禁也黜忠良親姦邪子將如何氏音曰臣豈不
知哉然無奈之何正岑曰是我所聞于朝子努力頃
之逮直堅鄉左等詣江都直堅言視尾政減祿增稅
吏民不敵臣行其法置吏主財臣莫自發何以得盜
逮吏考之無姦賊氏音坐削邑食伊保万石斬鄉左

等四人放其黨二十二人氏音卒從子倚氏立德宗
時為謁者大坂左副雷守
山口重政先出于周防大内氏有持盛者來自周防
居尾星崎持盛孫盛重為尾守邊生盛政
佐久間信盛屬士生重政
以知名尾參之間尾殺信盛重政操其子正勝如高
野至和州主人知其罪人子多齎珍寶賂盜將殺之
重政使客佯為使者持書赦信盛父子大買酒肉責
具主人乃止尾以為忠還之從滅甲尾居見弑
与正勝歸尾以蟹江与正勝以重政為大野守是時

秀吉有吞尾之心召尾將岡田直孝等篤贈之以疑
于尾殺之直孝弟為僧良琢據星崎叛重政娶直
孝妹恐人疑之質母于蟹江從正勝如峯城秀吉至
樂田蟹江守反正勝納瀧川一益劫重政母使召重
政曰未乃生之重政謝歸使者伐大破燒其舟遂從
圍下市場斬其城主從圍蟹江出一益所以釋一益
者以重政母在城中也參公高重政之義与所愛馬
山口重勝以星崎与重政小田原平從尾君居那須
一年公召之与五千石為世子友當神原康政奉母
子西公謂重政曰吾視康政如子善佐世子明年封

為牛久侯

大衛將兼奏者以成伏見善奉上令增食邑

甲寅使如長崎放耶蘇西洋初大久保忠

隣嫁石川氏女于重政作記告本多正信、舍人

志不言之至石川時成得罪忠隣重政坐婚不告免

疾重政匿越生遺土井利勝書曰臣得罪天下無不

聞也入阪必信而親之因得近阪君而刺之阪不

用兵而滅之利勝復書曰唯土極知子之精誠無

私然不善子之所欲為者也何者自上為世子時常

侍左右尤親近臣也至常屢遊子之家及始立為大

衛將再益封也頃者以婚不告失侯雖天下共聞之

不有甚大罪阪若不信子則已若其見親近遂子之

志天下万世其為上之所使也使上受賊子婚之名

上猶何面目託万姓之上哉子若不止上之怨子不

止子之身惟子熟慮勿誤重政得書泣欲効死行但

至闕不得進而止明年井伊直孝請重政共行訪事

而後行人或譖重政對人誇功若江之捷咸由己云

直孝望之不上其功久之天壽主為上浸言微置左

右為奏者封牛久卒長子親衛將伊豆守重信當闕

吏止父時從賈人踰闕得詣軍明年戰死若江次子

但馬守弘隆代為侯行勢刈代官孫弘豐德宗時為

大衛將無子以渡邊登綱弟弘長為嗣大阪左副雷

守大衛將
佐久間安次尾愛宕人也父盛次娶柴田勝家妹生
四子曰盛政安次勝政勝之勝家封越前与盛政金
澤愛勝政子育之安次少事河州畠山氏甚得衆心
久之歸尾從叔父信盛救参与甲戰御方原敗勝之
居安土至信長被弑鞭馬西逢參公于甲賀從之白
子辭參公之越中守佐成政用女妻之号為
養子拒北越既從勝家如賤岳先登破壁勝家敗勝
政盛政皆死安次走紀州聚兵如河州欲為勝家等
報仇与秀吉戰霧阪不克如尾守國見山會尾与秀

吉平安次恐誅如越中成政亦降于秀吉安次謂勝
之曰諸侯咸畏秀吉唯參能納我与俱歸參公
曰我新与秀吉盟匿其仇不可陰資遣相追相破兄
弟相謂曰出無容身之地一戰死不月從衆出城擗
原康政聞之見二子曰豐公經營四海不仇匹夫子
無憂蒲生卿成見二子亟窘其材可用薦諸氏卿秀
吉謂氏卿曰二子仇我天下壯士也非子孰能為之
君二子於是事氏卿伐賊至信夫米澤侯政宗
置酒請氏卿兄弟意其有異並席而坐酒酣主人起
更衣二子按劍前曰向雄會飲不可獨起君必欲行

臣請与俱政宗乃復坐二子遂召左右從者上堂扶
去氏卿度其及衆謝政宗行此日微二子在坐氏卿
殆危氏卿帰以安次為小國守勝之子子守擣九戶
櫛引令二子帰諸京師至篠原斬其首馳秀吉曰二
子果奇男子也心欲用之迨氏卿死從會津封安次
牧嶋勝之長沼未就而秀吉薨立奉行改授邑江州
慶長五年從戰関原勝之追三成及之見安次被擊
伏地卻救安次此後父子兄弟咸食邑侍間燕訪問
天下之事再從阪之軍知政事正信用兄弟之策言
取穢多崎土井利勝將左前鋒方當侍左右使安次

及其子勝次代將之明年安次封飯山侯勝之以躬
親斬阪謀臣武田榮翁封長沼侯勝之大宗時卒子
勝友立分五千石封兄之子勝盛勝友卒子勝豊立
勝豊無子以秋月種信子勝親為後元祿元年有司
言備中守勝親命列内親信所不當得甚大幸而勝
親伴稱病不拜大不敬請削爵上聽因二本松國除
安次傳至孫勝長幼死不得置嗣國除
花房職之常刈花房人佐竹氏疎屬也職之事備淳
田氏小田原之役為秀吉如常說盡出常兵還歸秀
吉設猿舞鼓節聞于外至門不下馬曰士卒暴骸中

野而不之恤是謂愚將吾之所不禮也子門者爭不止秀吉大怒召備侯曰君為我誅之備侯曰諾出門呼曰使自殺備侯曰諾將起又呼曰放之不可殺因放歸故郡慶長五年常使職之如小山公曰常侯不出兵助我豈通會津耶曰不知聞諸侯連兵而襲我乎曰常君為人見事後必無此事公作色曰子為侯遊說耶曰臣以誠告公安散遊說曰然即盟曰臣所言不出兵者所見于常君也常大國也不為無人臣不能必其臣也公不擇見于色歸職之其九月三成破召職之至使人問故所食備地六千石上曰達安

次鄉而食六万石職之上卿不能升一何也亦使問之曰達安所對者以私兵侵得于鄰國之地其實与臣同受六千石于浮田氏上曰見利思義有君子之操封之故所食高松既毀其城為田二千石甲寅与達安等至新家時老不能騎語輿人曰戰急棄我莫以我故取死望野田曰旗多不往是疑兵也使見之無人竟入仙波達安將追職之察有伏而止之無不如言軍散後三年卒

花房正成不知何別備相越後守正幸子也与岡豐前阪崎忠家戶川秀安初推浮田直家為王者執國

政尊貴直家死子秀家為大將攻朝鮮諸將縱其下
殺掠千里無烟秀安子達安獨務撫輯不使劫掠所部咸各
歸其業給之木牌出入軍中慶長初秀家不能輯其
下公為之黜花房等四臣以靜備貞綱正成囚于增
田長盛貞成達安囚于前田玄以迨伐會津四子咸
言其所從軍秀家子三成連諸侯東向公意四子有
私秀家執之既知其無貳縱令從軍誅三成封達安
庭瀨三万石為世子友封正成猿懸六千石遷秀家
南海中秀家念正成嘗有忠于己曰我已免死託身
花房氏得食稻足矣人或傳其語正成泣白上歲餉

之米甲寅取備前嶋正成有功後為山田令卒貞綱
貞成以反誅達安曾孫縫殿延宝七年四歲死國除
賜茅土計五千石為後

藤田重信父曰右衛門佐重利有秩父藤田鉢方用
土此時上杉氏衰北条氏康強攻侵廣境劫重利老
于用土立庶子氏邦為秩父氏後号季子氏光為右
衛門佐令氏邦盡有其地久之氏康卒子氏政立會
上杉輝虎死氏政弟景虎為養子与其甥景勝爭立
戰死氏政乃攻拔沼田居重利子重連重利前死用
土氏邦間鶴重連欲諧廢重信有沼田重信懼走甲

甲君勝賴內重信于沼田号為能登守氏曰藤田既
甲滅亡如越為先鋒將有騎士三百長鳴城立戰捷
攻取大有寵于越君越君景勝拜參議以直江兼續
為從四位下重信從五位下自參議拜中納言兼
續為侍從重信為從四位下用事擬兼續心不
便慶長五年正月使如阪公昔曾子之居宮崎友善
召見厚遺金帛使歸語越君朝越君聞重信受公之
金帛大怒謀欲誅之重信亡如紫野為僧上誅三成
削景勝地遣二重臣如紫野召重信謝使者曰
臣事上叔氏久矣若使臣得還米澤雖死不忘上之

德知政事正信復造重信曰上重子之義然米澤小
不足容子比復會津命侯不敢不奉命子姑從上之
命重信再拜曰請因子見上是年重信還俗封野州
万五千石甲寅將右部居麾下白決定天潢盡竭乙
卯監榑原康勝所將諸侯兵軍散有司以康勝不伐
阪將于若江簿責重信曰康勝實欲戰臣曰阪
兵剽悍彥根侯必敗君采之可利臣又望阪兵無緇
未者恐有伏兵于側誘我康勝許臣不進會彥根侯
勝使不及若江之戰臣之罪也然伐破別將岩田且
臣聞阪伏兵林中其將惡重成前有功故不救而敗

阪人相媚非臣之所能任也神祖以為然事未解厭
代重信憂懼致病皮膚盡黃如諏訪治病將如高野
至猶升死無子嗣絕

平岡賴勝溝杭賴次後也父賴俊不能守溝杭如筑前
筑前侯秀妹以賴勝及稻乘正成為相委以國之政
賴勝為石見守氏曰平岡三成矯徵天下兵秀妹發
兵應之二子行諫使伐三成秀妹亦固善神祖與二
子謀守伏見、守不可屠伏見如關原令二子盟
于黑田長政以賴勝弟資重為質上既誅三成徒秀
妹為備前侯封賴勝兒島二万石益驕不用二子之

言恣戮殺大臣二子懼禍及亡去備山岡景友數薦
之于上慶長七年秀妹卒國絕十年上封賴勝為德
野侯三年卒子賴資立承應二年賴資卒有司言賴
資知法不得易樹子臨死發子僧立孫賴重宜削子
千石邑

史臣曰山口等數子明去就之分受顯榮之爵氏次
也義重政也烈安次也不渝職之也不貪達安知政
重信思故抑其未易得也秀妹狂悖而不子賊賴勝
等焉依語曰得士則榮失士則亡信矣哉

土井三浦青山酒井傳第三十八

卷六十三

上井利勝父曰利昌刈屋人也初尾將佐久間信盛
諧水野信元殺之代為刈屋城主馳至刈屋逐辱婦
女有妾孕不能遠去匿利昌家妾事生利勝或曰神
祖子也及後貴客或醉語利勝曰何公之鬚之似神
祖也利勝目客曰非所宜言明日去鬚而朝去鬚自
利勝始三四十年至延室中併去鬚云神祖始為參
公時利勝幼居左右既為世子傳秀次亂世子問行
之伏見咸欲由間道利勝命先驅直進曰途中有事
為天下笑且殿下不知我去孰其追之大久保忠隣

此頁文字極其模糊，似有殘存之筆跡，但無法辨識其內容。

為人方正聞利勝言為公誦言其大可用慶長五年
以行人從上田之軍封小見川万石拜大炊頭十餘
年徙封佐倉預政事上允親之常遊其家神祖狩于
忍聞去新田近令利勝成瀬正成適求先世遺事至
召集里長老告所以為使得記姓名生卒于尾石容
像等者及詳書地之名見于譜牒者歸報初神祖命
忠輝父事皆川廣瀬迨忠輝逐廣瀬殺相山曰長門
命使父事利勝之妻于長門妻兄弟也利勝以不
為恨言使督北陸軍事人稱其無私而不是其所舉
會反車日急往來傳語二都將左前鋒伐之再反斬

首百餘級田寅部佐久間安次兄弟堀親良堀直重
筒井正次溝口善勝高力忠房北条氏信由良貞繁
等後年部佐久間安次佐久間勝之堀親良堀直重
高力忠房溝口善勝由良貞繁阪安元等天子納
上女為后令利勝子酒井忠世奉如京師此時造服
御物有司度價命工利勝曰論價則功廉非上所以
奉天子之意且其價安適藏諸工高耳尋典修内城
及起寬永寺起德廟咸以前意時出家財助工作寬
永元年為知政事三年徙朝京師拜侍從十年封古
河十六万石是時太宗親政欲造便殿欲急成之參

政信綱為上画計一日畢利勝召信綱讓曰縣宮至
尊也營造重事也鳩天下之良工擇天下之良財備
有司施規矩度歲月致堅固如雕飾而後可畢功稱
美今人主欲濟其欲人臣欲奮私智不顧前右之利
求適人主之意天下從是多事上方富春秋而子從
其欲非人臣之節信綱大愧謝過罷上嘗上城望視
工官小史取材治私家顧問左右、未應利勝前
賀曰神祖之始遷屋傾不遑造垣頽不及補當此之
時雖賞盜、何由至方今工官材木山積郡縣轉漕
繼至雖日盜千章守者不覺是蓋國家之極盛也臣

冒死敢賀上既發肥後侯忠廣欲徙小倉侯忠利于
肥後利勝等數人獨聞其言出方至家中使至徧召
預議者上怒見干色不言咸惶恐不知所以然久之
責曰曩郎自外入告我其語公等孰洩此語公等不
可予言我孰予言利勝又再拜賀曰臣日令奴刺問
謠言今臣退朝一人迎告臣徵小倉侯聞諸芝至家
未及解朝衣中使徵臣、隨中使出戶一人告臣封
肥後聞諸駒郊縱令臣等泄此語出未及家江都中
安得聞其語且曩郎与臣等出入粗等不受臣等語
亦明矣臣惟天下以為非小倉侯無治肥後唯上亦

以為小倉侯能治肥後夫長一家者以一家之心為
己心君一國者以一國之心為己心臨天下者以天
下之心為己心今江都中聞名執政議事皆曰封肥
後是上之所慮不違民心可謂以天下之心為己心
矣臣是以再拜賀亦何疑臣等、幸甚上謝曰公
等休矣非我愚慙不聞此言其輔上以寬大率此類
也是時官吏諸衛仰給大倉搬載腐敗率耗三之一
每輒于倉吏忿相罵司農康勝言臣請除官俸不及
子孫其餘及子孫者五百石以上子之五百石之地
軍國之所用量出收諸江都其餘所在造倉以備饑

荒歲長吏糶故糶新致金司農供諸官之費若如
臣言州郡省轉漕之勞大倉無腐敗之爭外內盡使
利勝曰神祖時臣常在左右有進此議者神祖曰而
不聞乎天下之民不如閩東之民之衆閩東之民不
如錄倉之民之衆天下無事則善君夫有事則道路
塞而舟車無時至當此之時軍民不以紅腐怨有司
倉無陳粟有司何以補其急夫大不為昆蟲常行春
夏持大計者不顧小故而所憂者小吏之職非國家
之憂今子之言是已不可用後元祿中遂用康勝之
計主卑民驕日就苟且粟米踊貴邑入不以時至賈

人因縱蒞利操持國邑之權貴重之臣大率悅首受
制知其敝不可收遂以為固然德宗憂之許任職者
納邑受俸去職復故云利勝侍問上問曰聞子買挑
子數十斛有子曰有曰何為曰右河無山林苦于求
薪臣之所任吏言臣唯挑在田不害禾臣即賦民令
種之十年之後薪給而魚花實之美然臣未之見上
曰公等有土不能一至其地可乎比無事適撫其民
執政徙封一得之國自利勝始見邑壯曰神祖之訓
有之民不可急不可緩豈過緩乎何廬舍之盛人情
緩則急則貪且侈至于流離而後止今造水獄

木馬大治固固國中不寒而慄然竟朽壞不用德祖
病自知不起于執御座刀賜之太宗蓋神祖伐三成
時之刀也謂曰我有室治天下今盡傳之利勝便居
其一云果著績太宗時寬永十一年免分月典事十
六年部松平憲良稻葉正則等築西城是年長子參
政兼親衛將利隆以病免閉門不通賓客上益重利
勝躬臨視病拜左少將卒子利隆代侯分封二弟利
長利房各万石少弟利直半之太宗厭代利隆子會
津炭正之起陵干祖陵西万治元年致仕子利重立
利益分食万石又益二弟万石少弟五千石君子以

利隆益群弟邑為難利直為葵者卒子扈助未命死
削邑之半以利房次子利毘為後延寶元年利重病
瘧卒少弟利久代戾三年卒上曰古河戾幼卒不應
置後立周防守利益為古河戾食七万石勿忘利勝
之勲憲宗立徙為鳥羽戾拜謁者後復徙唐津領長
崎防禦免謁者進從四位下文宗時卒子利實立利
實子利武今見為戾

利長封二万石以謁者從之光陵還封西尾益三千
石命造足利學校免謁者致仕無子養稻葉正則子
為嗣曰利忠自葵者領祠曹德宗時病免以三浦貞

次子利庸為後

利房封足利二万石為奉朝請自葵者遷參政益食
邑典茶事嚴宗末年為知政事益万五千石進從四
位下拜侍從憲宗立免移封大野卒子利治德宗時
為謁者

利勝同母妹生三浦正次其父正重刈屋人葉腐者
也正次生長于利勝家冒土井氏元和中事世子為
親衛將遷宮衛副帥封山川戾寬永十年遷參政領
親衛將五年免將如九州發諸戾之未詣軍者伐耶
蘇親餞呂川之上至則賊平為上憂之馳歸白之往

未僅二十日上甚怪之以為神典宿衛法封壬生卒
憲宗時以正次孫直次為奏者遷參政忤旨免數
月復為奏者三年遷參政徙封延岡文宗時徙刈屋
德宗時免子明次信宗初年自奏者遷參政領東宮
官為

青山忠俊其先近江人也曾祖忠世歸參事信光王
父忠門死軍事父忠成子內藤正成為世子傳領官
騎二十五卒百人小田原平食佐間五千石從上田
之軍為江都令兼關東奉行增食萬六千石有罪見
廢事在本多正信傳忠俊始為百砲將遷宮衛將再

從阪之軍与水野忠清爭勇走敵破留屯玉造還
上用酒井忠世土井利勝青山忠俊為世子傳神祖
甚善此選世謂之東宮三德忠世宏遠有師表之德
主贊成德器雖有過失陽為不知以恥其心忠俊犯
顏強諫有時袒鼓腹曰必欲為云々屠臣而後得為
利勝循々然和色徐言曰苟如此娛樂無幾忠俊雅
不解事人也然不可使忠世知也餽善思之世子竟
善納之即位有大量惠無過行三子輔翼之也忠俊
好笑拔人士雖貧窶小家子一見其面終身不忘人
以是歸之尋為知政事封岩槻五万石德祖諱忠俊

岩槻肩背之地也子以忠誠得之尋配騎卒領正門
衛太宗好舞常親舞忠俊偶入請事見太宗臨鏡治
妝直前執鏡怒曰是豈所宜為乎太上不知以欲爲
天下投千石碎之太宗不堪然未有所發當之京師
典行事比歸竟不与之言毋何奪封徙今泉寬永二
年徙遠小林使食千石久之悔使者召之忠俊曰
悔過美事也無常惡行也子有美事寧無惡行上不
可赦臣不可敢出設上能悛雖無臣于側猶聽臣
言也從是不出戶曰罪人不當見日上乃召其子宗俊
此時忠俊弟幸成尊貴位視知政事見宗俊布短衣

使易新衣宗俊曰臣見徵出小林家君屬臣莫易此
服見上臣不願改之既入上見蹙然攻容補官衛將
遷大衛將迨世子生擢爲之傳召見泣曰我今而知
子父之勲使死小林我之罪也子輔世子如子父輔
我封爲小室侯曰速歸告父之靈嚴宗時益封爲大
阪雷守納小室于官入朝進從四位下賜宴後官延
室中致仕卒封子忠親爲濱松侯徙神田別殿于東
城卒弟忠重立如參致祭贈納言徙丹龜山典京師
防火德宗時卒少弟俊春立俊春卒以尼崎侯成央
子忠知爲嗣奏者祠曹

忠俊弟幸成少以父任為世子親信抽百砲將遷親
衛將既世子立寔為德祖拜為大藏大輔幸成善大
久保忠常會忠常病如小田原將不起馳傳往見有
司白幸成位為列將擅離所部宜免其官於是朝
二年會伐阪陰從兄著軍功復起為宮衛將封万石
遷扈衛副帥扈衛將行理官事遷為西城宮衛將代
凡典正門衛使勞城阪諸侯幸成曰命使臣如阪臣
所部城門有卒無騎今臣使遠不可使家臣將領其
卒請置官騎如酒井忠勝部上不許唯置官騎一人
是歲寬永二年也五年罷之使立執政之間預聞政

廢駿侯以伊奈忠治等定甲地封掛川五万石歲餘
徙封尾崎奉使定讚地幸成有氣緊務行強兵之術
与松平忠良本多政勝水野忠善等競為節俠翼天
下有變立大功自耶蘓乱後五年卒子幸利代侯世
子如光陵氏稻荷川上後為防火使走火莫不撲滅
宮津侯得罪以奏者使收宮津子幸督憲宗時為奏
者使收福山領祠曹三年免修位吉祠室永七年幸
督卒子成央初不能之國岸曲侯獨為大阪防火使
不朝江都上乃徙飯山侯于尾崎徙成央于飯山享
保二年徙侯宮津

酒井忠勝雅樂頭重忠弟之子也父曰備後守忠利
小田原平論前後功食邑三千石偶里長老子忠利
同名吏使革之長老以為羞曰臣自少時無毫自私
先人赴事前期納租我何辜忠利止吏曰以見奪名
勿傷其心公聞之曰治民宜若忠利既世子善忠勝
割湯沐邑万石封之父子並從上田之軍從至大津
与榭原康政大久保忠隣詣門請見井伊直政黜之
曰上未見世子諸君不得請問且諸君自不知有罪
耶忠利知直政為忠吉之地正色曰世子不忘君父
之難欲遷与軍會而前有歧阻之險後有逢蠶蠱之毒

不如行平地縱使子將行何路從出子之此言上之
命助將子之私也上之命耶何不明言直政謝而曰
臣非有它志恐天下譏之忠利曰縱令上不憚宜分
別彌縫而示天下以無可問之勢然子造此語疑天
下以勤儲君之位子若不改忠利為國家不能愛身
本多康重恐二子爭相忿扶忠利去上意終解明年
封田中久之徙川越為大雷守元和二年忠利為世
子傳益封邑忠勝為少傳讚岐守九年上如京師令
忠勝領正門兵明年益封忠勝為謁者少弟雷守紀
伊守忠吉掌質子政令其屬衛士八十騎十人卒五

十忠利率賜忠勝襲封邑而身前所封已多父邑通
八万七千石德祖以為任天下之職遺令為知政事
從四位下侍從兼將宮衛二軍各有翊衛居二年從
朝天子封若狹侯賜告之國還又賜万石于佐野時
上建祖廟于日光山命忠勝典護作窮極奇策前古
未有聞也及慶安初盛祭祖廟言事咸適上之旨十
五年利勝忠勝並免分月典事二十年典讓位踐祚
之事拜左少將号为大老有言執政持異議不相得
恐害于國上憂之忠勝曰所謂下相得害于國者謂
樹黨持權者也今則不然下一令興一事各竭所見

計便不便耳不苟雷同不苟諂附所以輔上行政以
為不如是不可也若夫一人言之衆人從之何須多
置官頭上勿憂上曰然言者誠謬忠勝曰唯言者言
其所見耳非有誣心頭上勿罪之以示能容上以為
然不問上又憂侈靡為俗諸司諸衛貪無自給自德
祖時傾庫藏贍之厲禁畏之無能止猶引頸望上賜
與旅之忠勝曰此曹非特惜贏奢恭而已昇平百年
絕無從軍之賞子孫孳育奴婢倍前而俸祿不加也
臣請以職官之子資蔭充高者充兩衛次者充新衛
又次者為大衛扈衛翼亦有給上從之忠勝嘗令吏

求盜吏請覓京兆之智京兆有劫賊捕之不知主名
懸金購求潛勅吏佯為其黨欲告者書其側白金少
其黨恐見發爭詣府受賞以後者為首論之忠勝曰
求盜京兆之職耳苟能捕得不問所以致之上之所
以責臣異于斯求盜不得不為不任職也若必効京
兆所為是教人詐也不可為天下師表時以忠勝之
言為是初二祖好猿舞自閔原後不親為也太宗亦
不好之獨好妓樂時親舞忠勝求美女進之侍間
陰諫太宗慚遣出忠勝教子魚方唯不為猿舞尾敬
侯置酒請忠勝世子親舞為壽忠勝私其傳成瀨正

成曰文武之道君子終身業之何遑及此遊魂雲水
之戲敬侯聞之止舞畢饗江都南有玉川至暴長時
出者不得歸入者不得過人士苦之東有墨水貫都
市入海或往來不通忠勝議國家方饒請為橋二水
而利吏民或駁曰使國失險使細不便大事忠勝議
非是忠勝曰橋如三王舟如五伯王之乎伯子將何
取且夫二水之於固不因橋之有亡江都亦豈恃二
水為險哉上曰善聽忠勝上多病委政利勝忠勝皆
拜其子為參政助之時置酒其家至夜罷允親忠勝
所言多聽列侯饋遺相望門閭然雅素貴儉節於列

侯一無所受月中二三之別莊以茅葺屋傾歎不掩
風雨雖聞上將遊焉無所改造大漸時利勝前已死
以為唯忠勝老嫗干政執手屬後事遺令必告之行
嚴宗立遷大行于光陵典方上事是歲罷參政忠勝
阿部忠秋行參政事久之忠勝病不朝請罷政上往
視閔其老許之竟致仕然有大事無不預聞忠勝之
始為世子傳青山忠俊贊見之曰臣之屬忠世廷責
忠俊同列也非屬子從是子忠俊不善忠俊退忠勝
用事薦忠俊子宗俊為大坂守宗俊謝忠勝曰是
上思子之先君已非我所能得也人以是稱之置家

丞用自奇者子能斷者相輔而行有司言人過失削
名于左右共視洩之其人不愧而後罪之太宗初朝
儀未備仙臺侯見忠勝于朝請較力欲去持臂并俛
直孝曰子不勝則我在于斯仙臺侯不勝笑曰我之
所聞也忠勝致仕次子忠直之分勝山封兄之子忠
榮列諸侯明年忠直為防火使忠勝以策燒白使得
代第燒免防火使自忠直始忠勝又作食交衢食人
致仕七年卒忠直憲宗初卒子謁者忠隆字伯蘊侯
歲餘免謁者忠隆謙讓礼士雖小事必下家丞貞享
元年子忠圓来自江都省父病欲巡城忠隆扶起問

起居謂曰而請上不以巡城而止是歲竟卒忠固後
為上城西郭卒敦賀侯忠稠子忠喜代為侯文宗命
典韓使館德宗立三歲為謁者領祠曹視事五年免
明年為大阪留守之任火大起民逃登城不可止或
言發砲威之忠喜不可開門內之以便宜斂粟二万
予之上善之徵為知政事卒子忠存立忠存卒弟忠
用立以謁者試祠曹滿歲為真遷大阪留守信宗時
為京兆尹

以私念忘公事子負我舉毫御史使去跪忠教前曰
子如鳶巢軍年十六先登者誰忠教不能應出曰忠
勝兒能言是年遷奏者忠朝好浮屠又知父嫉之稱
病不出為僧如江西父名令還俗世或詢其無行子
父同年卒、後八年弟忠直封子忠榮為勝山侯忠
榮又好浮屠憲宗時補大衛將遷謁者兼祠曹益上
千石使視攝河築堤年三十三卒甚為上所惜子忠
亂立文宗時卒以井上政敏子忠篤為後忠篤又以
其弟大藏嗣忠胤弟忠恒後忠篤卒子忠大幼大藏
謀代之為家丞續圖書所發忠大竟無異長補大衛

將

忠直次子右京亮忠稠分食敷賀方石為大衛將以
公事免子大衛將忠菊有四子伯之子親本叔之子

忠知前後咸承既橋炭後仲之子忠武代父為敷賀

炭卒無子季之子忠香立父為大衛將

史臣曰國初擇識度曠絕于世者立輔儲君而欲其


則効之也近世擇脂膏善柔不相失者何具縣絕也

慶元之間列國馳不能就法度為輔臣者務在張

國之威忠世利勝忠俊外極尊嚴內整規箴之實忠

俊獨犯顏而利勝忠勝漸道之善也近世以小心謹


慎為故事而拂戾之義闕無聞也蓋知其所為而不
知所以為之也官職雖備亦異于國初必得其人也




Faint, illegible text, likely bleed-through from the reverse side of the page.



引馬文庫





雑史